

OMEN VIRIDITATIS
IN
LAURU PHILOSOPHICA
VIRI

Nobilissimi atq; Clarissimi

**DN. FRIDERICI
PROZENII,**

SCHOLÆ FRANCOFURTANÆ
CON-RECTORIS

FIDELISSIMI,

PRÆCEPTORIS olim SUI,

agnoscit,

&

in argumentum variæ gratulationis

Die XX. Junii, Styl. Nov.

Anno reparatæ per CHRISTUM Salutis

M DC LXXXVI.

è

GYMNASIO ZITTAVIENSI


transmittit

COELESTINUS Hoffmann
de Breiffenpfeil/ Junior.



Frankofurti ad Viadrum

Typis excusum à JOHANNE COEPSELIO, Academ. Typogr.



GRatulor de Lauro,
postquam Lauro dignum Te judicat Sedulitas.
Omnia Tibi sint viridia,
per quem viget viridis Juventus :
ut honoris omen
simul sit laboris brabeum.
Virent, quibus profuisti:
Nunc intelligent, quantum Tibi proffit Viriditas.
Erunt, qui per Te virere velint imposterum;
Spes impleri nequit, nisi virescas ipse.
Neque miraberis,
nihil à Me dici posse, quod non sit viride :
Sic solent, qui gratulantur Benefactoribus.
Viridia perceperunt, Viridia libenter reddunt.
Ac reddere profectò videntur,
si precibus efficaciam habituris intercedant.
Sed alia simul subest ratio,
quòd eloqui libet viridia.
Rarò Viriditas est sine fructu.
Laurus ipsa commendatur baccis,
ac viridis hic honor inter suas Laurus,
frustra non desiderabit aliam maturitatem.
Virere

Virere potui sub Tē

PRÆCEPTORE:

Nunc, ut sub aliis floream, exopto,
ne tandem meus mihi Autumnus nihil fructificet.

Et in his quidem floribus

aliqvā simul video,

qvæ Tuam adhuc Dexteritatem testantur.

Qvi surculum colit, jam prodest Arbori:

Nam Arborem non miraretur Hortulanus,

nisi quis cogitasset de Surculo.

Inde gratum Mihi semper erit Tui meminisse,

qvippe quod memoria futura est viridis.

Nec ingratum Tibi esse poterit,

si respicias ad meam in amando Constantiam,

siquidem Constantiæ signum est Viriditas.

Precor autem, velit DEUS largiri salutem,

nullibi marcescentem,

nullibi non viridantem.

Dignos enim geris Labores, qui vireant,

Dignos, qui perveniant ad virentes.

Ipsē Viriditatis Creator,

qui Lauro non ultimam indulsit Viriditatem,

Animo nunc injiciat folia Perennitatis,

Corpori folia Sanitatis,

Actionibus folia Prosperitatis;

Nempe singulorum signa continet Viriditas.

Alluat

Alluat viridem hunc successum Viadrus,
Ut, dum foecundantur pascua,
dum feliciter rigantur Campi,
Tuis quoque rebus ea faveat Bonitas,
quæ Laurum referat ripis implantatam.

Cæterum

Audire nunc juvabit viridia,
donec Viriditatis Spectator
testari queam sive lætitiã, sive gratulationem.
Semper enim dulce est, virentibus Præceptoribus
Laurum convertere in Smaragdus,

h. e.

Lætitiæ causas in preces,
quas quidem offero
puras, sinceras, indefessas;
Vel, si quid valebit aliquando mea Viriditas,
Tuis commodis destinatas.

Ita nunc juvet, gratulari de Lauro:
Olim juvabit esse gratulatum.

VALE ET VIRE.

